



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus II. De damnatis varijs erroribus contra fidem Catholicam.

---

[urn:nbn:de:hbz:466:1-73031](#)

*res non est Pater, qui generat; Filius, qui gignitur: Spiritus S. qui procedit, simpli- citer & sine addito prolatam, esse certò fallam; quia cuiuslibet contradictionis ex doctrina fidei Catholicæ est certò vera ex n. præced. Colliges 5. Quod, licet Pater, Filius, & Spiritus S. sint eadem numerō substantia, essentia, seu natura, non tamen sint eadem numerō persona; cum in c. *Damnamus*. cit. (ut habetur n. 6.) expresse dicatur, quod tres Divinae Personæ sic sint idem omnino in substantia, essentia, seu natura, ut alietas unius ab alia, seu distinctione, solum sit in personis. Colliges 6. Esse de fide tres Divinas Personas habere identitatem inter se, mixtam distinctionem; & distinctionem mixtam identitatem, ut manifestum sit ex textibus allatis; identitatem in substantia, essentia, seu natura, distinctionem in personis. Colliges 7. quod Pater generando filium, ei communicaverit totam suam substantiam, adeoque omne id, quod est in Deo substantia, essentia, seu natura; constat ex n. præced. si enim aliquid, quod est substantia, non communicasset filio, eum generando, non verificaretur, quod ei dederit totam suam substantiam, sed quod dederit ei aliquid, sed non omne, quod est substantia, contra definitionem c. *Damnamus* loc. cit. hæc de doctrina fidei ex c. *Firmiter*, & c. *Damnamus*, in quantu spectat Mysterium SS. Trinitatis.*

8 Cùm igitur certum sit ex fide tres Personas in Divinis habere inter se identitatem in substantia, mixtam distinctionem in personis, quæ potest, quo nomine compellenda sit ea identitas, & distinctione in quo utique conveniendum est prius, volentibus disputare de re. In hac re varij sunt Theologorum sensus, quorum proprium est agere de hoc mysterio, contra eos, qui ex ijs, quæ de natura, & divinis Personis à CC. & SS. PP. veraciter affirmantur, credunt inferri quandam contradictionem necessariò salvandam admittendò, inter naturam, & personas, saltem singulas, aliam distinctionem, præter eam, quam fides docet, qualē esse volunt aliqui formalem ex natura rei; alij virtualem intrinsecam; alij distinctionem in tertio. Illud hic notandum illam identitatem trium personarum, & cuiuslibet earum cum substantia, essentia,

seu natura Divina, ab Innocent. III. ve- cari identitatem substantialem, & distinctionem in personis, relativam. Sic enim loquitur in epistola ad Episcopos in cruce signatorum exercitu Constantino- poli degentes, apud Odoricum Raynaldum in continuatione annualium ad annum 1204. folio 109. n. 22. dicens: inter opines tres personas est relativa distinc- tio in personis, sicut est inter omnes substantialis identitas in natura. Alij identitatem illam nominant essenti- ale, & distinctionem personalem; de quo ex professo olim egimus in tract. de Deo q. 1. de simplicitate Dei.

## ARTICULUS II.

De damnatis varijs erroribus contra fidem Catholicam.

PREmittendum, quod cum Petrus 9 Lombardus, agens de unitate essen- tie, & personarum Trinitate in divinis, docuisset, quod licet in Deo sit quadam summa res, quæ veraciter est Pater, qui generat; Filius qui gignitur; & Spiritus S. qui procedit, tamen illa summa res nec est generans, nec genita, nec procedens; Joachimus Abbas Monasterij Florensis, scripsit libellum contra dictam Lombar- di doctrinam, in quo eum appellat hæ- reticum, & insanum pro eo, quod in suis dixit sententijs: quoniam quadam summa res est Pater, & Filius, & Spiritus S. & il- la res non est generans, neque genita, neque procedens. Rationem dabat Joachimus, quod ille hoc modò non tam Trinitatem, quam quaternitatem adstrueret in Deo, videlicet tres Personas & illam commu- nem essentiam, quasi quartam; manife- stè protestans (nimis Joachimus) quod nulla res est, que sit Pater, Filius, & Spi- ritus S. in vera unitate identitatis in ea- dem numero substantia, essentia, seu natu- ra; sed tantum in unitate similitudinis, & collectionis, qualiter multi homines, sunt unus populus; multi fideles una Ec- clesia. &c.

Hac Joachimi doctrinâ, seu potius er- 10 rore, delato ad Concilium Generale, sub Innocentio III. approbata est doctrina Lombardi, & damnatus error Joachimi, profitente sacro Concilio, quod tres Personæ in Deo vera unitate identitatis, non merè similitudinis aut collectionis, sint

une

*una substantia*, essentia, seu natura; *que substantia non sit generans, nec genita, nec procedens* quia illi *actus*, non attribuuntur *substantia*, sed *Personis*; nec per hoc concludi *quaternitatem*, quia cum quælibet trium Personarum sit illa summa res, substantia, essentia, seu natura, inde nequit relatè ad illas esse aliquid quartum; & contrarium sentientes, ut hæreticos esse censendos, nisi ab errore resipiscant, & correctioni Apostolicæ Sedis se supponant. Sic Rubr. in cit. c. *Damnamus*. Ex occasione hujus erroris, à sacro Concilio condemnati plura colligi possunt. 1. Responsum Concilij ad fundamenta Joachimi, nimirum non obstante doctrinā M. Lombardi, nullatenus sequi *quaternitatem* in Deo; cuius ratio à Concilio data constat ex dictis. Impossibile enim est, quod illa res constituat *quaternitatem* cum tribus, quando quodlibet eorum, est illa ipsa res, & illa ipsa res est unum ex illis, imò quodlibet eorum. Hinc nota 1. in cit. c. *Damnamus* damnari ut hæreticam prædictam doctrinam Joachimi, non ipsum Joachimum; quia protestatus est se omnia subjicere judicio Ecclesiæ, cum animo patrato, illi obtemperandi; sic Barbos. in cit. c. *Damnamus*, à n. 2. Et ratio est, quia hoc ipso non adhaesit pertinaciter errori suo. Unde erranti in fide, non imputatur error, si ex simplicitate deficiat, & fidem suam supponat fidei Ecclesiæ; sic Fagnanus in c. *Firmiter*, n. 20. & Scriptores librorum, in principio, vel fine adentes protestationem, quod suam doctrinam subjiciant judicio Ecclesiæ, eximuntur à nota hæresis, licet errorē contineant; sic Zabarella in Clément. 1. 2. porr. de Summa Trinitate, n. 5. Ex quo vides, licet damnato Authore, hoc ipso damnentur omnes ejus libri, sive boni sive mali; nō tamen econtra; ita Sanchez in *Decalog.* l. 2. c. 10. n. 28. Farinacius in tract. de hæretic. q. 180. n. 3, quod tamen sic intellige, ut, esto boni sint, non valeant allegari, quantum ad hoc, ut pro jure habeantur, quasi autoritatem in se contineant, licet aliquando adduci possint tanquam rationabiles, ut notat Fagnan. cit. in c. *Damnamus* n. 18. Barbos, ibid. n. 10. Unde ulterius deducitur, quod delictum Prælati; etiam circa fidem, capitulo in illud non consentienti, non nocet; quia deli-

ctum personæ non debet in Ecclesiæ detrimentum redundare; per Reg. 46. de reg. jur. in 6. & constat expressè ex cit. c. *Damnamus*.

Alterum responsum ad probationem 11 Joachimi, quâ in divinis voluit Personas esse *unum*, sicut multi homines sunt *unus* populus; & multi fideles *una* Ecclesia, eò, quod Christus, loquens de Fidelibus, dixerit: *Volo Pater, ut sint unum in nobis, sicut & nos unum sumus. &c.*) à Concilio datum fuit dicendo: illum textum quo ad fideles, intelligi de *unitate charitatis in gratia*, sicut accipitur iste. *estote perfecti* ( nimirum perfectione gratiæ ) *sicut Pater vester cœlestis perfectus est*, perfectione naturæ; quia inter Creatorem, & creaturam, non potest tanta similitudo notari, quin inter eos major dissimilitudo sit notanda,

Ad præcipuam verò dubitationem Joachimi, natam ex eo, quomodo *eadem numero res possit esse Pater, Filius, & Spiritus S.* & tamen non esse *generans, nec genita, nec procedens*; *cum tamen Pater sit generans Filius sit genitus, Spiritus S. sit procedens?* ( ex hoc enim inferebat, quod vel nequeat admitti, quod ea summa res sit Pater, Filius, & Spiritus S. sed aliquid quartum; vel non sit in tribus Personis una unitate identitatis, sed solum similitudinis, vel collectionis ) respondit concilium, etiam stante unitate identitatis trium Personarum in eadem numero substantia, essentia, seu natura, rectè ac sine repugnancia verificari, quod ea res non sit generans &c. Sed solum, quod sit Pater, qui generat; per hoc aperte innuens: in hoc ( *natura non est generans* ) aliud negari prædicatum de natura, quam affirmetur de Patre, cum dicitur: *Pater est generans*.

Hujus ulteriore expositionem dat 13 Gloss. in c. *Damnamus*. V. neque genita, dicens: notandum. 1. in divinis est quædam nomina *essentialia*, quædam *personalia*, quædam *notionalia*: *essentialia esse*, dicit, quæ in singulari numero dicuntur congrue de tribus personis singillatim, ut Deus *bonus*, Deus *justus*, Deus *eter-nus*; non autem in plurali, juxta symbolū Athanasij: ibi non tres Dij: sed unus Deus; Nontres *eterni*, sed unus *eternus* &c. *Personalia vocat*, quæ supponunt personam,

& dicuntur in singulari numero tantum, ut *Pater*, & *Filius*, & *Spiritus Sanctus*; notionalia, quae notant distinctionem in Personis; ut *generans*, *generata*, & *procedens*; ad hanc observationem Glossæ Joannes Andreas in margine lit. B, notat. 1. hæc prædicta notionalia sic esse appellata, quia personas notificant, aliquando distinctione, quia eas distinguunt; quandoque relatione, quia personas ad invicem referunt; quandoque proprietatibus, quia propriè personis insunt. notat. 2. quando ista nomina notionalia dicuntur *adjectivè*, verificari tantum de personis, non de essentia; si autem *substantivè*, verificari tam de essentia, quam personis. Ex quo infert hanc propositionem (*Pater est generans*) esse simpliciter veram, sive dictio *generans* dicatur *adjectivè* sive *substantivè*: si autem dicatur: (*substantia divina est generans*, falsam esse, si dictio *generans* sumatur *adjectivè*; non vero si *substantivè*. Rationē dat, quod si prædicatum *generans* dicatur *adjectivè* de natura, seu *substantia*, denotet distinctionem in natura, seu *substantia*, & sensum faciat, quod natura divina sit *natura generans*, seu quod natura divina sit ratio applicandi subjecto significatione in illius prædicati, quod significat oppositionem relativam, & distinctionem; quod falsum est; si autem dicatur *substantivè*, faciat sensum, quod natura divina sit persona generans, quod est verum; sic *Gloss. cit.*

¶4 Brevius dici potest, ly *generans* verificari æquè de natura divina, si servet eandem appellationem, quam habet dictum de Patre; nam in hac (*Pater est generans*) idem est vi prædicati appellantis supra subjectum, ac si dicas (*Pater, est Pater generans*) omne enim *adjectivum*, dictū de aliquo subjecto, illud ipsum repeatit in recto. verissimum autem est, *natura, est Pater generans*; non autem, *natura, est generans*; sic enim idem est, ac, *natura, est natura generans*; certum autem est, nihil esse in Deo, quod sit *natura generans*, sicut nihil est, quod sit *natura distinctus*, vel *distincta*; aut *natura relativè opposita*; et si verissimum sit, in Deo, *naturam esse Patrem distinctum*, ac *relativè oppositum Filio*; quia revera ratio *Patris*, est origo oppositionis, & distinctionis; non autem ratio substantiae, es-

sentiæ, seu naturæ, quæ nō tantum importat prædicata essentialia, sed etiam personalia, & notionalia; quod non est in alijs carentibus identitate mixta per distinctionem. Et ideo complures docent, has propositiones: *Pater est generans*; *natura non est generans*, etiam simpliciter prolatas, veras esse sine omni contradictione formalis; 1. quia non affirmatur, & negatur idem sub eadem terminorum appellatione; quod requiritur ad contradictionem formalem; nam ly *generans*, in negativa non servat eandem appellationem, quam habet in affirmativa, ut ostensum est.

Secundò. In illis duabus propositionibus non est idem prædicatum. Nam ly *generans* in hac affirmativa *Pater est generans* (quæ secundum fidem est necessariò vera) importat *generationem necessariam subiecto*; in hac negativa *natura non est generans* (quæ secundum fidem simpliciter prolatas etiam est necessariò vera; cum hæc *natura est generans* secundum fidem sit necessariò falsa) importat *generationem repugnantem subiecto*; Cujus ratio est, quia quando ex duabus formaliter contradictorijs affirmativa est necessariò vera, prædicatum est necessarium subiecto, ut in hac: *homo est animal*; si autem est necessariò falsa, prædicatum est repugnans subiecto, ut in hac: *homo est lapis*. cum ergo ex his: *Pater est generans*; *Pater non est generans*; affirmativa sit necessariò vera, ly *generans* in utraque significat *generationem necessariam subiecto*; & cum in his: *natura est generans*; *natura non est generans*, affirmativa sit necessariò falsa, (negativa enim secundum fidem est necessariò vera) ly *generans* in utraque significat *generationem repugnantem subiecto*: at *generatio necessaria & repugnans subiecto*, non est eadem; ergo.

Tertiò. Quia in formalis contradictione debet utriusque propositionis subjectum esse idem identitate purā, nimis non mixta distinctione: at in his: *Pater est generans*, *natura non est generans*, *Pater*, & *natura* (quæ sunt subjectum) non habent identitatem puram, sed mixtam, ut docent plurimi; qui admittunt inter *naturam* & *Patrem* vel distinctionem formalem ex natura rei; vel virtualem intrinsecam; vel realem in tertio; vel *etius*

etius personalem: cum natura verissim. i.e. non minus sit persona realiter distincta a Patre, quam sit persona eidem relativa opposita (est enim veraciter Filius ex dicitis sup.) ergo; sed de hoc ex professio Theologi.

17 Alterum quod damnatur in cit. c. Damnamus, continet errores Almarici, ut constat ex illis verbis: *reprobamus etiam, & condemnamus, perversissimum dogma Almarici, cuius mentem sic Pater mendacij excœavit, ut ejus doctrina non tam hæretica censenda sit, quam insana.* Circa quod not. 1. Almaricum fuisse natione Gallum, patria Carnotensem, Lutetiae Parisiorum impietatis Doctorem, ut notat Fagnanus in cit. c. Damnamus n. 28. Not. 2. Inter vesanos ejus errores recenseri præcipios, qui sequuntur. 1. quod Corpus Christi non aliter sit in pane altaris, quam in alio pane & in qualibet aliâ re, transubstantiatione denegata. 2. Deum sic locutum fuisse in Ovidio, sicut in Augustino. 3. Negabat resurrectionem corporum, paradysum, & infernum; dicebat enim, qui in se Dei cognitionem haberet, illum habere in se quoque paradysum; qui contra peccatum mortale haberet, eundem habere in se infernum, non aliter quam dentem putridum in ore. 4. Altaria Sanctis dicata, & imagines tauriificare Sanctorumque invocationes, idolatriam esse. 5. Non solum cum Armenis, Adam, & Evam nunquam carnales copulâ jungendos fuisse, si permansisset in statu illo, in quo Deus illos creavit; verum etiam sexuum differentiam nullam, sed hominum multiplicationem æquem, ac Angelorum futuram. 6. Deum non videti in se, sed in creaturis, sicut lucifer in aere. 7. Illud (quod alias est peccatum mortale) factum in charitate, non esse peccatum, promittendo simus impunitatem peccatorum. 8. Ideas, quæ sunt in mente divina, & creare & creari posse; cum tamen secundum Augustinum in mente divina nihil sit, nisi æternum, & incommutabile. 9. Sominabat mentem contemplativi, seu Beati perdere suum esse in proprio genere; & redire in illud esse ideale, quod habuit in mente Divina. 10. Asserebat, omnes creatureas in fine in Deum redire, & in ipsum converti, ut sint unum individu-

um cum ipso; hinc negabat, in resurrectione duplē fore sexum: sic Fagnanus cit. referens plures qui de Almaric tam gravibus erroribus scriperunt; deum addens Almaricum de his, & pluribus alijs vesanis erroribus, una cum complicibus, ab Episcoporum, & Theologorum Parisiensium Concilio convictum, ex macore animi interisse, ejusque cadaver jussu Philippi Gallorum Regis, postea exhumatum, & flammis exustum esse Anno Domini 1208.

Omnis igitur errores isti damnati sunt à Concilio Lateranensi secundo, quod ea potissimum de causa fuit ab Innocentio III. celebratum; qua occasione notandum, ubi in Sancis Canonibus simpliciter fit mentio de Concilio generali, hoc semper denotari, etiam si nomen Pontificis non exprimatur, ut notat Fagnan in cit. c. Firmiter. n. 1. cuius rationem ibidem fuse tradit.

Præter errores prædictos notantur alii sub hoc titulo in sexto, & Clementinis. Primus est in c. Unico, de Summa Trinitate in 6. ubi Gregorius X. cum Concilio generali Lugdunensi sic loquitur: *Nos hoc sacro approbante Concilio, damnamus, & reprobamus omnes, qui negare presumperint, eternaliter Spiritum S. ex Patre & Filio procedere; sive etiam temerario ausu assertere, quod Spiritus S. ex Patre & Filio, tanquam ex duobus principiis, & non tanquam ex uno procedat.*

Circa quod not. 1. olim fuisse error rem Græcorum, qui dicebant Spiritum sanctum procedere à solo Patre, ut notat Gloss. in cit. c. Unico, V. Fideli: sed hic error extirpatus est per c. penult. ibi: *unde ab illo, (nimis Dei Filio) sicut à Patre procedit, & c. ult. dist. 5. de Consecrat. ibi: cum hoc ipsum sit, quod profertur à Filio, id est, procedens à veritate, &c.*

Not. 2. Alios negasse Spiritum S. procedere eternaliter à Patre & Filio; alios, quod procedat ab utroq; tanquam uno principio, per unam inspirationem; alios denique diversos alios errores docuisse, ac tentuisse circa Spiritum S. de quibus videri potest c. penult. 24. q. 2. ut notat Gloss margin. cit. V. Fideli. Porro hi omnes errores in dicto c. unico, Sacro approbante Concilio, damnati sunt, & definitum, ut dicitur in Rubrica dicti c. Unici: *Spiritus S.*

*a*ternaliter à Patre, & Filio, tanquam ab uno principio, & una inspiratione procedere; consequenter doctrinam, huic oppositam, esse certò falsam, & contra veram fidem.

20. Not. 3. Fundamenta Græcorum, quibus ducebantur ad dicendum Spiritum S. procedere à solo patre, fuisse. 1. ex illo Joann. 16. *Spiritus Sanctus, qui à patre procedit*; item, quia in symbolo, apud eos edito, simpliciter continetur: *qui ex Patre procedit*: demum ex L. 2. C. de summa Trinit. ubi dicitur *Spiritus Sanctum, quem ex summo rerum Parente speramus*. Verum (ut rectè notat. Gloss. in. cit. Clement. Fideli & V. Filio expressio Patris, non excludit Filium; sed potius includit; hujus ratio est; quia ipsorum opera inseparabilia sunt ex c. sic enim. Q. Beator., 28. q. 1. & c. fin. dist. 3. de consecrat. Rationem autem ulteriorem dant Theologi. 1. quia submotu à Filio, Spiratio nē activā, tollitur inter eum, & Spiritum S. oppositio relativa producentis & producti, quā unā juxta Conc. Florent. sess. 18. V. Dico quidem, in Divinis una Persona differt ab alia; 2. consubstantialitas inter Patrem & Filium, quam Græci concedebant; vel Filius est spiratus seu *Spiritus*, quod negabant; ut breviter insinuatum est supr. 3. quia sic Spiritus Sanctus non esset passivus amor Patris & Filii mutuo sui amore spirantis Spiritum, amore secundo, ut diximus alibi.

21. Demum in Clement. *Fidei Catholice* habetur, fateri Concilium Viennense (quod

h abitum est sub Clemente V.) Unicum Dei Filium, in essentia Dei aeternaliter si ibsistem, verum corpus assumptissimum de Virgine, & in eo passum, etiam mortuum, lancea perforatum, approbando in hoc ordinem quem tradidit S. Joannes. & ibidem in §. Porro, reprobat, & hereticam judicat doctrinam, quæ habet, quod substantia animæ rationalis, seu intellectivæ verè & per se humani corporis non sit forma. Ubi not. 1. quod textus eum condemnet ut hereticum, qui vel temerè asserit animam rationalem non esse verè formam corporis humani, vel qui, an sit? vertit in dubium, ut constat ex verbis ibi. temerè afferentem, aut vertentem in dubium. not. 2. secundum Gloss. ibid. V. temerè per hunc terminum idem importari, ac presumtuose, stulte, sine causa, sine consilio & ly dubium, ibidem accipi, de dubio heretico nimis cum pertinacia; sic Gloss. V. in dubium. Not. 3. ex hoc quod in isto textu expressè mentio solum fiat animæ rationalis; non inferri legitimè, quod anima sensitiva, & vegetativa non sit verè, ac propriè forma corporis: non enim omisum fuit ideo, quod contrarium, vel oppositum, de hac sentiatur: sed quia de sensitiva & vegetativa non fuit opinio contraria sicut de rationali, seu intellectiva, de quo videri potest Gloss. ibid. V. Intellective. Nam decisio quæstionis dubiarum referenda est ad expressa in dubitatione, & data ad eam resolutione.

## QUÆSTIO II.

In Tit. II. De Constitutionibus.

22. *C*onstitutio generaliter, & latè sumpta supponit pro qualibet lege, vel iure humano scripto, à quocunque habente potestatem ferendæ legis condito; Specialiter autem, & strictè pro illo iure scripto, quod vel summus Pontifex, vel Imperator, vel alias supremus Princeps condidit. c. *Constitutio. dist. 2.* Ex constitutionibus, aliæ sunt civiles, quæ à potestate seculari; aliæ canonicae, seu Ecclesiasticae, quæ à potestate Ecclesiastica conduntur, & promulgantur. Cum autem juris humani scripti, tam Civilis, quam Ecclesiastici, sint variae species, ut constabit ex seqq. variae quoque sunt species

constitutionum. Cæterum hic *constitutio-* *nem* sumimus latè, pro omni humano iure, vel lege scripta, generaliter acturi de legibus humani juris, tractatu in duas partes diviso.

## PARS I.

*De Legibus in communi.*

*C*um materia de legibus sit fundamen tum potissimum quæstionum, non tantum in iure; sed etiam morali Theologia (nam ab earum justitia, publicatione, acceptatione, interpretatione,

exten-